

後漢書辨疑

一



後漢書辨疑

一

錢大昭撰

中央
書局

史
華
書
局

後
漢
書
辨
疑

二

錢
大
昭
撰

叢書集成初編

後漢書辨疑 二冊

中華書局出版發行

(北京王府井大街三十六號)

北京石景山區中華書局印刷廠印刷
一九八五年北京新一版
開本：七八七乘一〇九二毫米三十二分之一
統一書號：一七〇一八·一五一

後漢書辨疑

此據史學叢書本
排印初編各叢書
僅有此本

後漢書辨疑卷一

清 嘉定錢大昭撰

目錄

志第六卷大喪。閩本大喪下有諸侯王列侯始封貴人公主薨一條。

第二十九卷導從卒。卒當作車。志中標目亦作車。

列傳第五卷注歙曾孫歷。歙字衍。閩本無。

第八卷吳漢陳俊蓋延臧宮。案蓋延當在陳俊之前。

第十一卷子隗。子隗二字當注在任光下。

第十八卷馮衍注子豹。閩本子豹二字注在下卷馮衍下。

第三十卷上班彪注子固。閩本子固二字注在下卷班彪下。

第四十卷依光武十王之例當有明八王三字。閩本不脫。

第四十五卷脫章八王三字。閩本不脫。

第六十四卷上袁紹注子譚。子譚二字。閩本注在下卷袁紹下。

第七十一卷范冉。閩本作范冉。注云一名丹。

光武帝紀。

南陽蔡陽人。杜佑曰：棗陽。後漢蔡陽縣。漢舂陵故城在今縣東。

買生，鬱林太守。外注：鬱林郡，今郴州縣。胡三省曰：唐郴州無鬱林縣，而唐之桂、柳、鬱、邕、象、驩、潯、南、尹、樂、融、賓等州皆漢鬱林郡地。

欽生，光武。光武母張氏，趙國張況族姊。光武呼況爲大舅，見張禹傳。

光武避吏新野。鄧晨傳云：及光武與家屬避吏新野，舍晨廬，甚相親愛。

更始元年，是歲王莽地皇四年也，不應提行。

注：清陽縣屬南郡。案：清陽，南漢志俱作育陽，屬南陽，此作南郡誤也。

初，王莽徵天下能爲兵法者六十三家，數百人。按：王莽傳云：徵諸明兵法六十三家，術者各持圖書受器械。此者字當在家字下。

以爲壘尉。百官表有中壘校尉，今省作壘尉。

衝轡橦城。說文：轡，兵車也。漢書衡山王傳：作轡車，鍛矢。

六月己卯，通鑑作己卯朔。

迺遣光武以破虜將軍行大司馬事。案：上文拜光武爲破虜大將軍，此脫大字。復漢官名，吏人喜悅。閩本官名下有古字，疑是故字之譌。

於是引兵拔廣阿。杜佑曰：趙州昭慶縣，漢廣阿縣。

遂東圍鉅鹿。杜佑曰：唐鉅鹿縣，漢南縣也。漢鉅鹿縣，今平鄉也。

會諸將軍燒之。閩本無將字。

泰豐自號楚黎王。注：泰豐，黎丘鄉人。案：黎丘鄉屬南郡邱縣。續漢書志作黎丘。

又別號諸賊尤來。水經注云：鄒山記曰：徂來山在兗州梁父，奉高博城三縣界，今猶有美松，赤眉樊崇

保此山，自號尤來三老。

注：大將軍營有五部，部三校尉。案：續志：部校尉一人。

建武元年，大軍復進至安次。安次，今順天府文安縣。

迺遣吳漢、耿弇、陳俊、馬武等十二將軍追戰於潞東。案：耿弇傳云：光武還薊，復遣弇與吳漢、景丹、蓋

延、朱祐、邳彤、耿純、劉植、岑彭、祭遵、堅鐔、王霸、陳俊、馬武十三將軍追賊至潞東。據此，則十二當作十三。

行到南平棘。注：屬常山郡。案：地理志：常山郡平棘，無南字。

千秋亭，五成陌。千秋、五成皆取嘉名。

揚化將軍堅鐔等十一將軍。案：十一將軍者，吳漢、朱祐、岑彭、賈復、堅鐔而外，有大司空王梁、右將軍萬

脩、驍騎將軍劉植、積射將軍侯進、偏將軍馮異、祭遵、王霸也。見岑彭傳。

盧方起安定。方，閩本作芳。

破虜大將軍叔壽。廣韻。叔姓。左傳魯公子叔弓之後。

二年。大司馬吳漢率九將軍。案九將軍者。大司空王梁、建義大將軍朱祐、大將軍杜茂、執金吾賈復、揚化將軍堅、鐔、偏將軍王霸、騎都尉劉隆、馬武、陰識也。見吳漢傳。

庚辰。封功臣皆爲列侯。時詔使馮勤典諸侯封事。勤差量功次輕重。國土遠近。地勢豐薄。不相踰越。莫不厭服焉。自是封爵之制。非勤莫定。

率征虜將軍祭遵等二將軍擊恆農賊。二當作五。祭遵而外。有建義大將軍朱祐、漢忠將軍王常、騎都尉王梁、臧宮也。見祭遵傳。

遣執金吾賈復率二將擊更始鄧王尹遵。案二將軍。騎都尉陰識、驍騎將軍劉植也。遵。更始傳作尊。

遣虎牙大將軍蓋延率四將軍伐劉永。案四將軍者。駙馬都尉馬武、騎都尉劉隆、護軍都尉馬成、偏將軍王霸也。

殺淮陽太守潘薆。廣韻。周文王子畢公之子。季孫食采於潘。因氏焉。晉有潘父。楚有潘崇。

帝自將征五校。大破五校于薊陽。案薊陽之役。從帝往擊者。大司馬吳漢、建威大將軍耿弇、建義大將軍朱祐、執金吾賈復、偏將軍馮異、強弩將軍陳俊、左曹王常、騎都尉臧宮也。說文。魏郡有薊陽鄉。讀若歸。以廷尉岑彭爲征南大將軍。率八將軍討鄧奉于堵鄉。案八將軍者。朱祐、賈復、及建威大將軍耿弇、漢忠將軍王常、武威將軍郭守、越騎將軍劉弘、偏將軍劉嘉、耿植也。

三年以偏將軍馮異爲征西大將軍。晉書職官志云：四征起于漢代。

與赤眉戰于回溪，禹異敗績。案回溪之役，鄧禹、馮異與車騎將軍鄧弘同敗。本紀不及鄧弘，未知何故。

立皇考南頓君以上四廟。舂陵節侯、鬱林太守、鉅鹿郡尉、南頓令也。

餘衆南向宜陽。南向，馮異傳作東走，說詳馮異傳。

遣吳漢率二將軍擊青犢于軹西。案二將軍者，建威大將軍耿弇、虎牙大將軍蓋延也。

大破鄧奉于小長安。小長安在南陽郡育陽縣。

吳漢率七將軍與劉永將蘇茂戰于廣樂。七疑當作二。吳漢傳云：率驃騎大將軍杜茂、彊弩將軍陳俊

等圍蘇茂于廣樂。

征南大將軍岑彭率三將軍伐秦豐。三將軍，傅俊、臧宮、劉弘也。

四年遣右將軍鄧禹率二將軍與延岑戰于武當。案二將軍，復漢將軍鄧曄、輔漢將軍于匡也。

遣大司馬吳漢擊五校賊于箕山。案是時漢與彊弩將軍陳俊、前將軍王梁同往。本紀不言率二將軍

似略。

遣征虜將軍祭遵率四將軍討張豐于涿郡。案四疑當作三。三將軍者，建威大將軍朱祐、建威大將軍

耿弇、驍騎將軍劉喜也。

遣揚武將軍馬成率三將軍伐李憲。案三將軍者，誅虜將軍劉隆、振威將軍宋登、射聲校尉王賞也。

遣建義大將軍朱祐率二將軍圍秦豐于黎丘。案二將軍者破姦將軍侯進、輔威將軍耿植也。

五年大司馬吳漢率建威大將軍耿弇擊富平、獲索賊于平原。案是役也。耿弇而外有漢忠將軍王常。

復遣耿弇率二將軍討張步。二將軍騎都尉劉歆、太山太守陳俊也。

遣征南大將軍岑彭率二將軍伐田戎于津鄉。案二將軍者傅俊及威虜將軍馮駿也。

注蔚宗序例云帝紀略依春秋惟幸彗日食地震書除悉備于志。案序例之說得史體矣。符瑞之屬當

具于五行志。范志雖失傳其書固有五行志也。見蔡邕傳。今紀中建武十二年甘露降南行唐黃龍見東

阿十七年有五鳳皇見于潁川潁縣。永平十一年漢湖出黃金。時麒麟白雉醴泉嘉禾所在出焉。建初三

年零陵獻芝草。四年甘露降泉陵洮陽二縣。五年零陵獻芝草。有八黃龍見于泉陵。元和二年鳳皇集肥

城。桓帝之世更史不絕書。何自相刺謬耶。

盧芳自稱天子于九原。案芳傳于建武元年匈奴已立爲帝矣。

交趾牧鄧讓率七郡太守遣使奉貢。七郡太守謂江夏太守侯登、武陵太守王堂、長沙相韓福、桂陽太

守張福、零陵太守田翕、蒼梧太守杜穆、交趾太守錫光也。見岑彭傳。章懷以七郡爲南海、蒼梧、鬱林、合浦、

交趾、九真、日南、非也。

六年遣虎牙大將軍蓋延等七將軍從隴道伐公孫述。七將軍者蓋延及征虜將軍祭遵、建威大將軍

耿弇、捕虜將軍馬武、驍騎將軍劉歆、武威將軍劉尚、漢忠將軍王常也。

遣前將軍李通率二將軍與公孫述將戰于西城。案二將軍謂破姦將軍侯進、討虜將軍王霸也。隗囂遣行巡寇扶風。廣韻：行姓，周有大行人之官，其後氏焉。

七年，公孫述立隗囂爲朔寧王。朔寧取其綏靜北方。

省長水射聲二校尉官。耿國爲射聲校尉，因罷此官，更拜駙馬都尉是也。

八年，殺隗囂守將，囂將金梁也。

高句驪王遣使奉貢。初王莽更名高句驪王爲下句驪侯，至是始復其王號。

九年，遣大司馬吳漢率四將軍擊盧芳將賈覽于高柳。四將軍謂討虜將軍王霸、橫野大將軍王常、建

義大將軍朱祐、破姦將軍侯進也。

遣中郎將來歙監征西大將軍馮異等五將軍討隗純于天水。五將軍謂馮異及建威大將軍耿弇、虎

牙大將軍蓋延、楊武將軍馬成、武威將軍劉尚也。

復置護羌校尉官。西羌傳：同然溫序于建武六年已爲護羌校尉，似非九年始置矣。見獨行傳。

十年，大司馬吳漢率捕虜將軍王霸等五將軍擊賈覽於高柳。案五疑當作四。王霸傳云：明年，霸復與

吳漢等四將軍出高柳擊賈覽，捕虜將軍馬武也。此當作討虜。建武五年拜霸爲討虜將軍。

大破隗純于落門。續漢志：漢陽冀縣有雒門聚，雒與落同。

來歙率諸將擊羌于五谿。諸將謂虎牙大將軍蓋延、武威將軍劉尚、大中大夫馬援也。

十一年征南大將軍岑彭率三將軍。案三將軍謂誅虜將軍劉隆、輔威將軍臧宮、驍騎將軍劉歆也。破公孫述將王元環安于下辯。注。縣名。案下辯道名。地理志有下辯道。郡國志脫道字。考隸釋。武都丞等題名有下辯道長任詩。注云。縣名。非也。

十二年九真徼外蠻夷張遊率種人內屬。封爲歸漢里君。夷疑當作里。故封游爲里君也。章懷云。里蠻之別號。今呼爲俚人。

十三年皆襲爵爲王。不應經義。朱祐傳。祐奏。古者人臣受封。不加王爵。可改諸王爲公。帝卽施行。以周承休公姬常爲衛公。前書恩澤侯表云。建武二年五月戊辰。更常爲周承休侯。五年侯武嗣。十三年更爲衛公。今范書侯作公。十三年更封仍作姬常。不云姬武。未知孰是。

益州傳送公孫述督師郊廟樂器葆車與輦。與當作輦。

廣漢徼外白馬羌豪率種人內屬。樓登等率五千餘戶內屬。封爲歸義君長。

日南徼外蠻夷獻白雉白兔。日南。南蠻傳作南越。

十四年封孔子後志爲褒成侯。此卽成亭侯也。孔僖傳謂初封褒成。至孔損徙封褒亭。非是。

是歲會稽大疫。注。會稽今越州縣。陳景雲曰。是時會稽理吳。至順帝分置吳郡。徙會稽理山陰。乃爲唐之越州地耳。注微誤。

十五年徙雁門代郡上谷三郡民。置常關居庸關以東。案常關當從南匈奴傳作常山關。吳漢傳作常

關亦誤。

陛下德橫天地，興復宗統，橫與光古字通，言聖德光乎天地也。

陛下恭讓克讓，上讓字誤，閩本作謙。

十六年，交阯女子徵側反，略有城邑，略六十五城，自立爲王，又以畏懷捐城委守者，皆不以爲負。捐城通鑑作損怯。

自是牛馬放牧，邑門不閉，通鑑放牧下有不收二字。

十七年，二月乙亥晦，日有食之，乙亥五行志作乙未。

進幸葉，竟陵，注葉縣屬南郡，案葉、章陵俱屬南陽，注云南郡誤。

五月乙卯，車駕還宮，上云四月乙卯南巡狩，則五月不得又有乙卯，二者必有一誤。

其餘九國公皆卽舊封進爵爲王，案光武十王傳云：臨淮懷公衡，建武十五年立，未及進爵爲王而薨，無子，國除。本紀諸公進爵在十月，臨淮公衡薨在六月，則進爵爲王者，止有楚、東海、濟南、東平、淮陽、山陽、左琅邪八王，不得云九國皆因舊國封也。

十八年，遣大司馬吳漢率二將軍討之，二將軍謂劉尚、臧宮也。

甲寅西巡狩，甲寅杜篤傳作甲辰。

十九年，脩西京宮室，脩宮室事詳見杜篤傳。

二十年大司徒戴涉下獄死。資融傳云戴涉坐所舉人盜金下獄。帝以三公參職不得已乃策免融。涉所坐之罪當以融傳爲正。注疑誤。

東夷韓國人率衆詣樂浪內附。韓國人卽韓國廉斯人蘇馬靺也。

二十一年安定屬國胡叛屯聚青山。青山在參巒縣參巒故屬安定郡國志屬北地。

二十二年大司空朱浮免。坐賣弄國恩。

使中郎李茂報命。匈奴傳作中郎將閭本。監本俱有將字。

匈奴北徙幕南地空。幕烏桓傳作漠。

二十三年南郡蠻叛。潯山蠻雷遷等寇掠。

高句驪率種人詣樂浪內屬。種人蠶支落大加戴升等也。

二十四年于是伏波將軍馬援率四將軍討之。伏波上當有遣字。四將軍謂馬武耿舒劉匡孫永也。

二十五年遼東徼外貊人。貊人卽句驪也。東夷傳作句驪。案本紀東夷傳並云元初五年高句驪與濊

貊寇玄菟。則句驪與濊貊明是兩國。傳作句驪。紀作貊人者以句驪一名貊耳也。

寇右北平漁陽上谷太原。陳景雲曰太原二字非衍卽誤。貊人入寇東邊諸郡耳。不能西至太原內地也。東夷傳同。

烏桓大人率衆內屬。烏桓大人郝且旣于春閒來朝矣。後又率衆九百餘人內屬。故復記之。

二十六年。詔有司增百官奉。西京百官受奉之制。前書不載。顏師古注。百官表所云漢制與章懷引續漢志相同。今本百官志與章懷所引微有不同惟此六百石。顏注云六十斛。爲小異耳。顏注大率卽用續志。其增減之數。不可考矣。

二十七年。益州郡徵外蠻夷。哀牢王賢栗也。

魯王興。齊王石始就國。帝問趙昱以久長之計。昱請遣諸王就國。帝從其議。

二十八年。淮陽王延始就國。延于次年入朝。見第五倫傳。

三十年。十一月乙酉至自魯。通鑑作丁酉。

三十一年。陳留雨穀。形如稗實。論衡感虛篇云。建武三十一年。陳留雨穀。穀下蔽地。案視穀形。若茨而黑。有似于稗實也。

中元元年。隸釋成都。有漢蜀郡太守何君造尊榿開碑。其末云。建武中元二年六月。就案范史。本紀建武止三十一年。次年改爲中元。書爲中元元年。觀此所刻。乃是雖別爲中元。猶冠以建武。如文景中元後元之類也。又祭祀志。載封禪後赦天下詔。明言改建武三十二年爲建武中元元年。東夷倭國傳。建武中元二年來奉貢。證據甚明。宋宮公紀元通譜云。紀傳俱出范史。必傳寫脫誤。學者失于精審。以意刪去。梁武帝大同大通俱有中元字。是亦憲章于此。

淮陽王延。趙王盱。盱傳作栩。

丁卯東巡狩。二月己卯幸魯。進幸太山。馬第伯封禪儀記云。車駕正月二十八日發雒陽宮。二月九日到魯。十二日宿奉高。十五日始齋登封。

登封太山。甲午禪于梁父。先是三十年二月太尉趙熹上言。宜封泰山。帝不許。至三十二年正月。上讀河圖會昌符曰。赤劉之九。會命岱宗之文。乃詔梁松等。復案索河雒讖文。言九世封禪事。松等列奏。乃許焉。

是歲初起明堂靈臺辟雍。楊街之雒陽記云。平昌門直南。大道東是明堂。大道西是靈臺。

隴西太守劉盱遣軍救之。遣從事辛都監軍掾李苞也。

論曰。生光武于縣舍。有赤光照室中。論衡吉驗篇云。光武帝建平元年十二月。生光武于濟陽宮後殿第二內中。皇考爲濟陽令。時夜無火。室內自明。皇考怪之。卽召功曹吏充蘭。使出問卜工。蘭與馬下卒蘇永俱之卜王長孫所。長孫卜謂永蘭曰。此吉事也。毋多言。王長孫本紀作王長。

是歲縣界有嘉禾。生一莖九穗。吉驗篇云。是歲有禾生。景天備火中三本。一莖九穗。長一禾一二尺。蓋嘉禾也。

氣佳哉。鬱鬱蔥蔥然。吉驗篇云。王莽時謁者蘇伯阿能望氣。使過尋陵。城郭鬱鬱蔥蔥。及光武到河北。與伯阿見問曰。卿前過尋陵。何用知其氣佳也。伯阿對曰。見其鬱鬱蔥蔥耳。

遠望舍南。火光赫然屬天。有頃不見。吉驗篇云。元帝之初。有鳳皇下濟陽宮。故今濟陽宮有鳳皇廬。始